



# GIMMIE-NUUS



## LANGENHOVEN GIMNASIUM OUDTSHOORN

Privaatsak X611 Tel. 044 272 2151/2 Faks 044 272 6254  
e-pos admin@lgim.co.za Web: www.langenhovengim.co.za

UITGAWE 30/2021

GIMMIES VIR UITNEMENDHEID

29 Oktober 2021

### UIT DIE HOOF SE KANTOOR

Beste Ouers, Personeel en Leerlinge

Iets vir ons pa's: *"Wanneer 'n man agterkom dat hy niks vir sy vrou kan wegsteek nie, kan hy maar weet dat hy haar liefhet."* Paul Géraldi.

Ma's: *"Enige ma kan die werk van meer as een vlugkontroleur by 'n besige lughawe met gemak hanteer."* Lisa Alther.

Kinders: *"Kinders is lewende boodskappe wat ons die toekoms instuur, na 'n tyd wat ons self nie sal sien nie."* John Whitehead.

Ons het elkeen 'n baie groot verantwoordelikheid, teenoor onself, maar veral teenoor mekaar. Mag ons so ingestel wees dat ons by mekaar sal leer, maar ook vir mekaar tot voordeel sal wees. Verdraagsaamheid, begrip, omgee en liefde is maar enkeles.

Die akademiese jaar spoed na sy einde, ons matrieks is volstoom aan die gang en die res van ons leerlinge sal binne die volgende twee weke ook met hulle laaste eksamen van 2021 begin. Ouers, neem asseblief kennis dat ons 'n volledige eksamen sal skryf. Ons besef dat ons kinders as gevolg van die vorige voorskrifte ten opsigte van eksamen, "lui" geraak het. Ons het ook gevind dat hulle nie eksamenfiks is nie. Ons matrieks het dit moeilik gevind om tydens die September-eksamen vir drie uur op een plek stil te sit en te konsentreer. Ons het 'n groot verantwoordelikheid om die kinders so gou moontlik in 'n normale roetine te kry.

Gelukkig word ons versoek tot 'n volledige eksamen deur die WKOD erken en ondersteun.

Geniet u naweek, onthou ook om 'n verskil in ander se lewens te maak deur bewus te wees van mekaar se behoeftes. Gee om, wees besorg en maak 'n verskil.

Vriendelike groete.

Stephanus Potgieter

### 1. BELANGRIKE DATUMS

**Vrydag 29 Oktober: Dag 6**

**Saterdag 30 Oktober:**  
o/15-krieket teen Oakdale (T)  
o/19-krieket teen Sentraal (W)

**Sondag 31 Oktober:**  
Voorstelling: NG Park

**Maandag 1 November:**  
Stemdag/Openbare vakansiedag

**Dinsdag 2 November: Dag 1**

**Woensdag 3 November: Dag 2**  
**Matriekeksamen:** 09:00 – 11:00: Afrikaans  
Huistaal Vraestel 1

**Donderdag 4 November: Dag 3**

**Vrydag 5 November: Dag 4**  
**Matriekeksamen:**  
09:00 – 12:00: Wiskunde Vraestel 1  
09:00 – 12:00: Wiskundige Geletterdheid  
Vraestel 1  
09:00 – 12:00: Tegniese Wiskunde Vr. 1

### **Saterdag 6 November:**

o/15-krieket teen Bridgton RPC (W)  
o/19-krieket teen Glenwood House (T)

### **Sondag 7 November:**

## **2. VERJAARSDAE**

Baie geluk aan die volgende leerders wat gedurende die week verjaar. Mag julle 'n wonderlike nuwe lewensjaar hê.

- 1 November: Jodi-Ann Prince  
Shirley le Roux  
2 November: Lourens Oosthuizen  
Zander-Lee Solomons  
Ethan Koema  
Jandré Olivier  
3 November: Ethan Barnard  
4 November: Ian McGear  
Lohané du Plessis  
Marné Siebrits

## **3. SKOOL- EN KOSHUISGELDE: 2022**

Tydens die begrotingsvergadering op 23 September 2021 is dit deur ouers goedgekeur dat die skool- en koshuisgeld vir 2022 soos volg sal wees:

### **Skoolgeld:**

R17 600 per leerder per jaar.  
Eerste paaiement: R1 800  
Per maand (10 paaiemente): R1 580  
Per kwartaal: R3 950

### **Bankbesonderhede:**

ABSA – Rekeningnommer: 105 885 0256  
Takkode: 632005  
Verwysingsnommer: Soos op rekeningstaat

### **Koshuisgeld:**

R27 200 per jaar + R100 koshuisfonds  
Per maand (10 paaiemente): R2 720  
Per kwartaal: R6 800  
Breekskade vir eerste toetreders: R500

### **Bankbesonderhede:**

ABSA – Rekeningnommer: 105 886 0251  
Takkode: 632005  
Verwysingsnommer: Soos op rekeningstaat

## **4. KLAVIERE OP TENDER TE KOOP**

Die skool besit twee ou klaviere wat op tender beskikbaar is. Hierdie klaviere kan by Aristo laerskoolkoshuis se voordeur, by me. Laura Opperman op Vrydag 29 Oktober vanaf 13:30 tot 14:00 besigtig word. 'n Tenderbedrag kan per klavier in 'n geseelde koevert by die ontvangs van die skool ingehandig word vanaf Dinsdag 2 November tot Donderdag 4 November wanneer alle tenders om 15:00 sluit. Die koevert kan geadresseer word aan: Die Skoolhoof: Klavier

## **5. UITSLAE**

### **1STE SPAN KRIEKET TEEN OAKDALE 🏏**

Oakdale kolf eerste en teken 127 almal uit aan in 41 boulbeurt. Beste boulders: Kamvalihle Qusheka met 3 paaltjies vir 18 lopies, Ben-Pierre du Plessis met 3 paaltjies vir 31 lopies en Christiaan Barnard met 2 paaltjies vir 18 lopies.

Ons behaal 128/4 in 40 boulbeurt. Beste kolwers: Ben-Pierre du Plessis met 25 lopies en Jaco Victor met 25 lopies.

Ons wen die wedstryd met 6 paaltjies.

### **O/15 KRIEKET TEEN HOËRSKOOL OUDTSHOORN 🏏**

Hoërskool Oudtshoorn kolf eerste en teken 42 lopies almal uit aan in 16 boulbeurt. Beste boulders: Juvandré Alexander met 2 paaltjies vir 9 lopies en Christiaan Stover met 2 paaltjies vir 3 lopies.

Ons behaal 44 lopies vir 2 paaltjies in 9 boulbeurt. Beste kolwers: Cameron Avontuur met 12 lopies en Juvandré Alexander met 10 lopies.

Ons wen die wedstryd met 8 paaltjies.

## **FIETSRY**

Drie van ons leerders het Eden kleure in verskillende fietsry-kategorieë behaal:

Gert Beukes: MTB XCM

Louis Venter: MTB XCM

Zoë Arndt: Padwedren en Tydtoets

Baie geluk!

## **SKAAK**

Luzandri Kuyler het 'n bronsmedalje behaal in die Wes-Kaapskole skaaktoernooi wat op 23 Oktober 2021 plaasgevind het. Sy gaan by die volgende Nasionale toernooi die Wes-Kaap verteenwoordig.

Baie geluk en sterkte, Luzandri.

